

豫章叢書

第四冊

雪坡舍人集卷二十一

新昌 姚勉 著

從子龍起 編

古風

贊趙直閣所藏四美人畫

春 堯鞋踏青

晴絲暖絮浮春光牡丹醉裏微風香繡簾半捲日低
柳百嚙黃鶯啼斷腸玉兒步整金蓮穩回首光流花
面粉嬌慵欲去未肯行一逕落紅愁踏損

夏 出浴納涼

瑤臺夢斷敲門竹鳳蹤溫泉新出浴侍兒扶起嬌不
禁蟬翼紅綃影紅玉晚蟬聲裏追新涼藕腕輕挹龍
巾長留仙裙舞風力軟不知何處荷花香

秋 挾扇看菊

林稍脫葉飛斜陽寄書雁着西風行恩情怕學中斷
絕畫扇未忍高秋藏中庭寂寞歸鴉後蹙損遠山雙
峯鬬淚珠濕袖對黃花人比黃花人更瘦

冬 沉吟望信

紅爐暖閣烘如春玉琴不撫生微塵梅花嗅罷寂無
語千里瀟湘思故人燕釵和悶都敲折愁攪柔腸千

萬結沉吟望斷信不來同雲暗釀江天雪

題楊妃出浴圖

溫泉暖滑留餘香芙蓉出水紅生光寶釵義髻髯龍
鳳力困未必恹霓裳歟衣側步無窮意猶勝朝來海
棠睡誰知迎洗錦綳兒已在華清賜浴時

題西施捧心圖

紅羅山頭浣紗餘酥胸嬌擁翠不舒高軒直蓋填寒
閨東家少婦羞弗如越宮選進吳王側光照姑蘇春
奪色鵝夷心痛痛更深亦自顰眉但憂國

贊張英玉所畫山谷老蟻蝶圖

穹碑一立承天寺吟骨遂重宜州樓當年羣蟻亦策
勲豈知須臾夢封侯南柯一散風雨惡未若栩栩爲
莊周

贊張英玉蟬驚螳螂圖

一螳踴躍上枯柳一螳欲上鼓劒走驚蟬側翅着樹
枝性命幾成落渠手物生遠害當知幾不知猶可況
已知干林何處無風露莫曳殘聲急飛去

禽言十詠

不如歸去

翠煙深樾江村雨蜀魄催春勸歸去勸春春去勸未

休客子傷春慘心緒只今蜀土錦城荒蜀客望西悲
故鄉故鄉蜀客歸不得何況當時蜀帝王

泥活活

黃梅蒸雨已幾時路泥活活沒馬蹄前山咫尺似千
里十步九跌行人疲漫塍白水秧欲老黃雲漸黑來
歌倒泥汗后土何時乾天若憐農放晴好

着新脫故一名闢耕闢布

繰車欲動蠶春暮水足秧青行白鷺着新脫故山禽
呼也似催人闢耕布着新脫故也自奇闢耕闢布也
自宜冬苗夏絹星火急欲着無新耕亦飢

郭公

郭公古時亡國餘姓名尙掛春秋書問其故國何丘
墟知善不用惡不除今人皆知笑亡郭胸中亦自鏡
善惡不知山高正呼君身似郭公猶未覺

麥熟也哥哥

晨起涼潤疑秋肅格磔鉤輅叫雲木似催農父急腰
鎌村北村南麥皆熟屋頭場地初雨乾手聲拍拍兒
童歡田家未敢冀一飽父老相呼先了官

看蠶娘子得幾許

流鶯前身織絲女猶拋金梭學機杼隔窗嬌喚看蠶

姑娘子看蠶得幾許今年蠶慳熟處稀採餘桑葉青
滿枝一年養蠶四番熟安得長似開元時

婆餅焦

趁晴割麥收雲黃熬爐新熟餅餌香阿婆炙餅半焦
赤阿婦罵兒喫不食山禽戲語婆勿喫有餅可焦猶
食新西家割遲麥爛死婦姑對泣空酸辛

姑惡

煙林望帝聲思歸風枝齊后音悽悲如何人永化爲
鳥猶訴姑惡無停時純孝通神泉鯉躍冤氣感天霜
爲虐螭螭有味安得珍婦自不賢姑不惡

提葫蘆沽美酒

晴煙如潑春光濃萬花笑日爭嬌紅
百金沽酒直取醉有酒不醉孤東風
不如遂我豐年願秫米價如黃土
賤家家有酒不用沽何用提葫苦相勸

百舌

百禽巧作百種音一禽却學百種禽
晴風暖日意自樂圓吭變換皆清吟
多能不如止一得多言不如止一默
一朝閉口不敢聲莫有讒人在君側

問鴈

家山已作一月疎
鴈爲取秋風書
鴈飛竟去已幾

日乃爾寂寂知何如曉霜雁聲又東去急起出門呼
雁住前時囑爾爲寄書汝今將書落何處雁言丈夫
志非常桑弧蓬矢示四方顧家安足就大事底用屑
屑悲故鄉吁嗟來汝空中雁黃耳猶能書往返飛奴
解遞丞相箋鸛鵒亦傳商婦簡帛書自古倩汝傳詩
人流詠知幾年汝今何事倦來往應我不如蘇武賢
雁言君擬乃如此信史不如無此史當年史冊語多
欺我亦安能書萬里湖田漠漠多菰蒲就食聊寄江
南居書郵安得爲人作君欲覓書尋鯉魚

聞鶯

畫涼百禽交鳴一鷺和之殊有幽意急取書讀與
相間雜既已賦詩

風吹微湍入松篁雲幢葉蓋相低昂山禽此時似得
意雜奏一曲娛新涼流鶯頗嫌無宮商飛來中間作
笙簧廣寒一闕新霓裳天遣鼓吹吟詩腸取書細讀
與相和金春玉應聲琅琅曲終書罷各無語林影滿
庭清晝長

觀風馬

簷間鐵馬何威獬霜刀雪劍爭鮮明秋風一吹陣脚
動跳梁春擊聲鏦鏘何時直提十萬兵金戈鐵甲相

磨鳴縛俘斬馘墟龍庭歸來馬後笳鼓聲

烏鵲吟

鵲噪人所憐烏啼人所唾謂鵲能報喜謂烏常送禍
烏啼鵲噪何必然孰爲此者皆其天預占禍至使人
避比鵲以烏烏更賢欲忠於人反嗔已喜諛惡直常
如此君不見九齡去國林甫相崇侯得君比干死

錢唐吟

錢唐家家重生女自小無人識機杼教成歌舞十二
三花燕身材柳鶯語去年學得琵琶成今年學得彈
秦箏豪家巫輩明珠斛來換綠珠入金谷敢行小女

肩輿來親情送別羅酒盃拜辭父母登車去歡喜出門不回顧親恩無復雉將雛兒意亦忘鴉反哺阿婆八十泣送門自憐終身無阿孫笑言阿婆不須泣舟子乘潮渡江急

義娼吟

雲樓余兄舊遊也余兄死平生密友至有不哭弔者雲樓鄭雲英獨眷眷不能忘慨而哭之時而奠之可謂義娼矣是可媿天下之爲人友而生死相背負者余嘉其義詩以贈之

燕子樓中一擗春十年紅袖消香塵尙書墓上白楊

拱曉燈猶伴孤眠人楚樓佳麗清梅似識得詞中春
學士玉盃一笑古藤陰便學斷腸河滿子燕樓寂寞
楚樓空鄭家雲英千古同崔微心事照秋月玉京舊
恨啼春風人生交態分貴賤況是死生情分變域蘇
未緣拜無人千里素車那復見知義如今到此流冠
猴襟馬皆堪羞

聽纂

春簷雪乾初日長簾花深壓梅影香美人帳中午睡
起釵橫鬢彈慵添粧文窗窈窕鮫綃綠卧按古纂橫
漆玉微揜翠袖露春慈學弄梁州初遍曲拂絃輕握

三兩聲聞渠學曲成未成已成未成君莫問聽取軼
軋伊嚶鳴七絃一似焦琴樣立雁參差相下上左按
天孫織錦絲右幹仙人飛海杖輕板淺握聲短長疾
徐洪纖抑復揚瓶笙吐韻出蚓竅雲車碾響升羊腸
雙龍曉日吟秋水孤鸞春風悲鏡裏清猿嘹曉萬松
間雛鶯惺鬆百花底平生有耳喜此聽手不能作心
目醒除却高山與流水琵琶箏篴俱逕庭樓中弄玉
吹簫侶同學丹山鳳凰語鳳凰鳳凰來不來蕭史行
雲在何許

贈玉生玉生能雕能染近又能郵文李松麓欲

其專於一送以序求語於余松麓盡之矣姑以
詩

三年刻楮多苦心不龜手方只百金近來自笑巧成
拙捨去二藝趨雞林文章小巧蟲雕刻大巧天機五
雲色單傳此印到人間君亦當成近朱赤松麓先生
嘆數窮請君專志毋分功悲絲政謂可白黑斷雕庶
得還洎風方今天詔興賢急家家倒屣迎君入試按
春風官柳汁更刊進士題名集從此君應百不憂十
萬腰纏鶴揚州雖然文章亦徒爾萬言不直一盃水
聞君一藝尤更精明珠爲人買娉婷血色羅裙掩雕

雪坡舍人集卷二十一
字囊金櫃帛當充庭

馮京曾醉題角妓股上一聯云玉體貼懷香勝玉
酥胸到手滑於酥妓遂雕繡之後京爲狀元再過
其家題一絕云冰肌滑潤帶微紅戲寫羲之舊筆
蹤血色羅裙巧遮掩不煩他日碧紗籠玉生近爲
入市雙龍故未及之

雪坡舍人集卷二十一